

La Quotidiana 29-5-2015, p. 22

17.25 CUNTRASTS SIN SRF 1

Gion Antoni Derungs (1935 – 2012)

In omagi da Gieri Venzin

En memoria a Gion Antoni Derungs, ch'avess pudi festivar quest onn ses 80avel anniversari, mussan ils Cuntrasts anc ina giada il film «Gion Antoni Derungs». In film d'omagi ch'il cineast Gieri Venzin aveva realisà il 2012, curt suenter la mort dal cumponist e musicist rumantsch.

Anc ina giada pudair udir «Il cerchel magic» l'emprima opera ch'el aveva scrit, era in da ses davos giavischs. Ils 4 da settember 2012 mora il cumponist Gion Antoni Derungs, dus dis avant ses 77avel anniversari. Cun el perda la musica in cumponist impurtant, in musicist da format ed irradiaziun internaziunala.

Malgrà che Gion Antoni Derungs n'è betg pli, è el stà preschent ed entrais sia musica



manaivel a blera glieud a chaschun da la represchentaziun da «Il cerchel magic» a Trun ed a Cuira, ils 4 ed ils 11 da novembre 2012. La Televisiun Rumantscha ha visità las represchentaziuns ed ha discurri cun persunas ch'han enconuschì il cumponist.